

16. Emeritaatsversorging

16.1 RAPPORT DEPUTATE EMERITAATSVERSORGING: KRAGTENS KERKORDE, ARTIKELS 11, 13 EN 20 (ARTT 61, 64,143)

EEEE. Ds EJ Tiemensma lewer die Rapport.

FFFF. Die Rapport word staande die Sinode afgehandel.

GGGG. Ds PA Coetzee lewer die Aanvullende Rapport.

HHHH. **Besluit:** Die Aanvullende Rapport word verwys na Kommissie Emeritaatsversorging.

IIII. Ds JC Aucamp rapporteer namens die Kommissie Emeritaatsversorging.

(NOTULES VAN DIE HANDELINGE VAN DIE DEPUTATE WORD AS ONGEPUBLISEERDE BYLAES BYGEOEG.)

In hierdie afdeling word oor die algemene werk van die Deputate kragtens sy opdrag aan die Sinode gerapporteer.

JJJJ. RAPPORT

1. Sake waarvan die Sinode kennis neem

1.1 *Opdrag*

Om algemene sake rondom KO, artt 11, 13 en 20 te hanteer.

Besluit: Kennis geneem.

1.2 *Vergaderings*

1.2.1 Die Deputate Emeritaatsversorging (verkose lede, Trustees en soos benoem) het minstens drie maal per jaar vergader om sake rakende die PPF, EVT en Mediese aangeleenthede af te handel en aan opdragte uitvoering te gee. Notules van die handeling van die Deputate word as ongepubliseerde Bylaes bygevoeg.

1.2.2 Konsultante van o.a. ABSA, SANLAM, Advantage en Liberty Mediese Skema het jaarliks met die Deputate vir voorleggings vergader.

Besluit: Kennis geneem van 1.2.1 tot 1.2.2.

1.3 *Interne werksaamhede*

1.3.1 Ter aanvang van werksaamhede deur die Deputate en Trustees vir die huidige termyn is 'n opleidingsgeleentheid rakende pligte en verantwoordelikhede van Trustees en aanverwante sake gereël en aangebied.

1.3.2 Benewens 'n werksverdeling in Kommissies om sake rakende die PPF, EVT en Mediese aangeleenthede deurlopend te hanteer, is ook die volgende Komitees benoem om die vlak van werksaamhede te verhoog: Ouditkomitee, Koöperatiewe komitee (om op hoogte van pensioenwet, reglemente, ens. te bly) en Dagbestuur (om bestuurs-funksioneel die werksaamhede van die Trustees te moniteer en te laat vlot).

1.3.3 Deurlopend is per vergadering aandag aan die uitvoering van Sinode-opdragte met behulp van 'n standaardprosedurelys gegee.

1.3.4 'n Vraelys vir selfevaluering van Trustees is in gebruik geneem om twee maal per jaar die werksaamhede van hierdie Trustees toetsend aan die hand daarvan te verfyn en op 'n hoë standaard te hou.

Besluit: Kennis geneem van 1.3.1 tot 1.3.4.

1.4 *Ander werksaamhede*

- 1.4.1 Klassisse en Kerkrade is van tyd tot tyd besoek en navrae is beantwoord.
- 1.4.2 Skrywes (korrespondensie) soos nodig en opgedra, is deur die Dagbestuur afgehandel.
- 1.4.3 Reëlings is getref dat lede van die Deputate by geleentheid met die studente oor sake rakende die PPF en Mediese Fonds in gesprek tree.
- 1.4.4 Advantage het voorleggings oor die huidige stand van beleggings gedoen. Kernsake van hierdie voorlegging is in die Voorsittersverslag vervat en word in die Aanvullende Agenda opgeneem.
- 1.4.5 Die Trustees het alle sake in die standaardprosedurelys opgeneem waaraan in die volgende termyn aandag gegee moet word. Hierdie werkwysse dra daartoe by dat werksaamhede gekontinueer kan word.
- 1.4.6 Die name van kundiges om deur die Sinode vir 'n volgende termyn aangewys te word, is aan die Administratiewe Buro deurgegee.
- 1.4.7 Die versorging van emeriti uit die ou Sinode Middellande is deur die Deputate in behandeling geneem. Die rapport sal in die Aanvullende Agenda opgeneem word.

Besluit: Kennis geneem van 1.4.1 tot 1.4.7.

2. Sake waaroor die Sinode besluit

2.1 *Dankwoord*

- 2.1.1 Die personeel van die Administratiewe Buro betrokke by die werksaamhede van die Deputate Emeritaatsversorging word vir hulle werk bedank.
- 2.1.2 Die Deputate Emeritaatsversorging dank die kerke vir die vertrouwe in hulle oor die afgelope drie jaar gestel.

Besluit: Goedgekeur.

KKKK. AANVULLENDE RAPPORT

1. Agtergrond

Daar is emeriti, weduwees en moontlik wese uit die voormalige Sinode Middellande wat nie behoorlik versorg word nie. In die lig van KO, artt 13 en 20 moet die Deputate hierdie saak onder die Sinode se aandag bring. Aangesien daar geen opdrag van vorige Sinodes is wat die spesifieke saak aanspreek nie, versoek ons Sinode 2009 om opdrag te gee aan die Deputate Emeritaatsversorging om die saak as deel van hulle opdrag te aanvaar.

Besluit: Kennis geneem van agtergrond. Die versoek word goedgekeur.

2. Stigting van 'n Hulpfonds

Die Deputate het reeds besin oor die stigting van 'n fonds wat hulp sal verleen aan emeriti en hulle afhanklikes, maar wat ook in die toekoms hulp sal verleen aan emeriti wie se pensioen uit die GKSA Pensioenfonds te laag is om eervol versorg te word. Hierdie hulp is in die besonder vir emeriti en hulle afhanklikes uit die voormalige Sinode Middellande. Daar is tans 'n bedrag van net meer as R16 000.00 in die kas van die voormalige Sinode Middellande.

Aanbeveling: Dat 'n hulpfonds gestig word en dat die beskikbare fondse uit die kas van die jong kerke vir dié doel aangewend word.

Besluit: Goedgekeur soos gewysig.

3. Naam van die Fonds

Thuso is sowel die Sotho- as die Tswanawoord vir "hulp".

Aanbeveling: Dat die fonds bekend sal staan as Thuso vir Emeriti (TVE).

Besluit: Goedgekeur.

4. Verdere opdragte aan die Deputate

Ons versoek Sinode 2009 om aan die Deputate die volgende opdragte te gee:

Bepaal die aantal predikante en hulle afhanklikes asook behoeftes en stel 'n lys op van almal wat hulp uit die fonds benodig.

Besluit: Goedgekeur soos gewysig.

Bou die fonds op deur donasies en/of ander wyses van fondsinsameling.

Besluit: Goedgekeur soos gewysig.

'n Gedeelte (nie meer as 50% nie) van die opbrengs uit die Fonds mag gebruik word vir uitbetalings. Ramings kan, soos deur die Sinode goedgekeur, gehef word om die fonds uit te bou.

Besluit: Goedgekeur soos gewysig.

Stel 'n Reglement op vir die Thuso vir Emeriti (TVE).

Besluit: Goedgekeur.

Die Deputate ontvang 'n mandaat om in dringende gevalle op te tree na die beste wete van die Deputate, met verslag aan die volgende Sinode.

Motivering: Alhoewel dit 'n baie wye mandaat is en nie 'n wel-omskrewe opdrag nie (KO, art 49), kan die Deputate nie nou al voorsien watter uitdagings met die stigting van die Fonds na vore gaan tree nie.

Besluit: Goedgekeur.

Twee broeders uit die voormalige Sinode Middellande moet aangewys word om op die Deputate Emeritaatsversorging te dien.

Besluit: Goedgekeur.

16.2 RAPPORT: TRUSTEES GKSA PREDIKANTE PENSIOENFONDS (Artt 62, 130, 140)

LLLL. Ds PA Coetzee lewer die Rapport.

MMMM. Ds LH van Schaik stel die aktuaris, mnr C Erasmus, aan die Sinode voor. Mnr Erasmus lewer 'n kort mondelinge verslag.

NNNN. Ds LH van Schaik rig 'n dankwoord namens die Sinode tot mnr C Erasmus vir die diens wat hy die afgelope 15 jaar gelewer het.

OOOO. **Besluit:** Die Rapport word verwys na Kommissie Emeritaatsversorging.

PPPP. Ds JC Aucamp rapporteer namens die Kommissie Emeritaatsversorging.

DIE TRUSTEES LÊ DIE VOLGENDE RAPPORT AAN DIE SINODE VOOR.

QQQQ. RAPPORT

1. Oproep

Aan alle lede van die GKSA Predikante Pensioenfonds asook Kerkrade is kennis gegee van die algemene vergadering van die Pensioenfonds wat tydens Sinode 2009 vergader.

Besluit: Kennis geneem.

2. Konstituering

Alle afgevaardigdes na die Nasionale Sinode, predikante sowel as ouderlinge, word gereken as teenwoordig met lede en kerkrade wat op eie koste die vergadering kragtens bogenoemde oproep bywoon (tydens die Sinode). Kragtens die Wet op Pensioenfondse geskied hierdie algemene vergadering van die GKSA Predikante Pensioenfonds onder die toesig van die Raad van die Trustees van die Pensioenfonds.

(Notules van die handelinge van die Raad van Trustees word as ongepubliseerde Bylaes bygevoeg.)

Besluit: Goedgekeur.

3. Sake waarvan die Sinode kennis moet neem

Opdragte van die Sinode

Aan die Trustees word opgedra om uitvoering te gee aan alle sake waarvoor die Sinode oor die Pensioenfonds besluit het.

Alle sake is volgens opdrag uitgevoer.

Besluit: Kennis geneem.

Die Sinode bedank mnr Charles Erasmus hartlik vir die toegewyde wyse waarop hy betrokke was by die Trustees.

Besluit: Kennis geneem.

Gee uitvoering aan alle sake wat kragtens die Reglement van die GKSA Predikante Pensioenfonds aan hulle opgedra word.

Opdragte is deurlopend uitgevoer.

Besluit: Kennis geneem.

Aan die Trustees word opgedra om met Kerkrade te skakel waar predikante se PGT's onder standaard is en om PGT op pariteit te bring met die versorgingsbedrae van die emeritaatsversorgingskombinasie.

(a) Sinodebesluite van 2006 t.o.v. die bepaling van PGT's is aan die kerke deurgegee waarvolgens kerke aan Klassisse verantwoording moet doen indien

Kerkrade sou afwyk van die gestelde minimum-riglyn. Die riglyn vir die PGT vir 2008 is vasgestel op R250 000 per jaar. Vir 'n predikant bo 50 moet dit ongeveer tussen R280 000 en R330 000 te wees en vir predikante ouer as 60 R350 000 plus. PGT's behoort minstens met 'n minimum van 6% per jaar te styg.

Besluit: Kennis geneem.

- (b) 'n Werksdokument vir die bepaling van die PGT van hulle predikant(e) is aan Kerkrade gestuur met nodige kontakpersone indien Kerkrade en predikante hulp in hierdie verband sou benodig.

Besluit: Goedgekeur.

- (c) Die Trustees het die onderskeie Klassisse binne die kerkverband besoek en aan die hand van bogenoemde werksdokument aan hulle leiding en toerusting gegee m.b.t. die bepaling van PGT's.

Besluit: Goedgekeur.

- (d) Jaarliks is die bedrag wat deur Kerkrade oorbetaal is vir die PPF, met hulle bevestig.

Besluit: Goedgekeur.

- (e) Die effek van 'n te lae PGT is 'n te lae belegging namens die predikant waaruit sy pensioen betaal gaan word. Die PGT is die bedrag waarop die pensioenbydrae wat namens die predikant gemaak word, bereken word. Hierdie bydrae tot die pensioenfonds beloop ten minste 20% van die PGT. Die Kerkraad betaal 12.5% en die predikant 7.5% van die 20%.

Besluit: Goedgekeur.

- (f) Die Predikante Pensioenfonds is 'n vaste bydraefonds. Die predikant kry dus by emeritering die bedrae plus groei, wat namens hom in die fonds belê word. As die pensioenbedrag wat namens die predikant belê word, te min is, sal die predikant se pensioen onvoldoende wees en sal die Kerkraad(e) waar die predikant gedien het, die tekort moet aanvul. Die Predikante Pensioenfonds sal in geen omstandighede aangewend kan word om tekorte weens te lae PGT aan te vul nie.

Besluit: Goedgekeur.

Standaardprosedures as opdragte wat die Trustees deur die Hoofbeampte van die Fonds moet toesien vir afhandeling:

Die Trustees het deurlopend verseker dat die standaardprosedures deur die Hoofbeampte van die Fonds uitgevoer is.

Diverse sake voortvloeiend uit die uitvoer van opdragte

Daar is besluit dat alle navrae i.v.m. finansiële syfers skriftelik by die Hoofbeampte of Fondsbestuurder aangevra moet word en nie deur individuele Trusteedele hanteer mag word nie. Lede/kerkrade kan aanspreeklik gehou word vir fooie, afhangende van die vlak van kundigheid nodig om die navraag te beantwoord, asook vir addisionele kostes wat daarvoor aangegaan moes word.

Waar predikante op grond van Kerkorde, artikel 13 op grond van mediese redes geëmeriteer het, word Kerkrade gewys op die risiko waaraan hulle *as Kerkraad* hulle blootstel (in terme van versekerbaarheid) indien sodanige predikante dienswerk, van watter aard ook al, sou verrig.

Kerkrade waar predikante onder Kerkorde, artikel 13 om mediese redes geëmeriteer het, moet jaarliks skriftelik oor die stand van versorging van die betrokke predikante aan die Klassisse en Trustees rapporteer.

Lede is ingelig dat PGT's jaarliks met 'n maksimum van 20% verhoog mag word.

In hulle skrywe aan Kerkrade het die Trustees die beginsel duidelik gestel dat PGT's voldoende behoort te wees om uiteindelik ook in die mediese versorging van lede te kan voorsien.

Riglyne as hulp vir die bepaling van traktement is in 'n boekieformaat uitgegee en aan Kerkrade gestuur.

Die Trustees herinner lede daaraan dat hulle via hulle onderskeie Kerkrade met die Trustees moet kommunikeer waar dit versorgingsaangeleenthede raak, aangesien

Kerkrade op die ou end vir die versorging van die predikant verantwoordelik is (Kerkorde, artikel 11). Die Trustees kommunikeer in sodanige sake slegs met Kerkrade.

Kerkrade waar predikante emeriteer, word daarop gewys dat die Kerkraad by die aankoop van pensioene die besluit van die emeritus oor die aanwending van sy Persoonlike Rekening uit die Pensioenfonds moet goedkeur.

Gade/eggenoteversekering kan nie na die ouderdom van 65 jaar voortgesit word nie.

Waar pensioen deur 'n emeritus aangekoop moet word, stuur die Fondsbestuurder aan 'n Kerkraad 'n lys van die instansies by wie daar belê kan word en waaruit hulle 'n keuse mag uitoefen (om in die lig van Kerkorde, art 13 en toekomstige versorging te verseker dat die gelde by 'n betroubare instansie belê word). Die alternatiewe keuse van óf die vaste groei-opsie óf die "met wins"-opsie (met waarderingsrentekoers) word aan die Kerkraad en predikant wat emeriteer, deurgegee.

Die Kerkraad van die Gereformeerde Kerk Pretoria-Wes en sy predikant, ds PJ van der Berg, weier tans om by die PPF in te skakel.

Vroeë emeritaat en implikasies daarvan ten opsigte van onder andere KO, artt 13 en 20

Indien 'n predikant vroeër as 65 emeriteer, moet Kerkrade kennis neem dat hyself en sy Kerkraad 'n welbewuste keuse uitoefen tot mindere versorging uit die EVT en PPF.

Onderhandelings met die predikante van Sinode Middellande is tans aan die gang om by die PPF in te skakel.

Advantage (by name Gerrit le Roux), asook die Aktuaris is deur die Trustees versoek om tydens Sinode 2009 'n kort aanbieding te gee waarvolgens hulle beleggingsfilosofie ens., verduidelik word.

Beleggingskeuses: Trustees het na wye oorlegpleging besluit om vier tipes beleggingsportefeuljes in te stel wat op die aantal diensjare tot by ouderdom 65 gebaseer word. Die portefeuljes se onderliggende beleggings verskil van mekaar ten einde 'n optimale beleggingsverspreiding vir verskillende lewensiklusse te bereik. Die portefeuljes is tans by Advantage Multifondsbestuurders geplaas en die doelwitte is soos volg:

Portefeulje	Samestelling	Tyd tot emeritering	Maks. Verwagte verlies	Groei-teiken: Inflasie plus onderstaande
1. Aggressiewe Groei	50% Allan Gray gebalanseerd 50% Coronation gebalanseerd	Eie keuse	Aandele-gekoppel	+6%
2. Hoë groei	Maksimum aandele blootstelling	meer as 10jr	20%	+6%
3. Matige groei	50% aandele 50% reële opbrengs	5 – 9 jaar	11%	+4%
4. Kapitaalbeskermer	100% reële opbrengs	minder as 5 jaar	0%	+2%

Die volgende verdeling van die totale fondse op 31 Januarie 2008 is volgens die lede se keuses gemaak:

- | | |
|----------------------|-----------------|
| 1. Aggressiewe groei | R17 741 miljoen |
| 2. Hoë groei | R34 557 miljoen |
| 3. Matige groei | R28 510 miljoen |
| 4. Kapitaalbeskermer | R17 424 miljoen |
| Totaal | R98 233 miljoen |

Die Trustees en lede van die Predikante Pensioenfonds sal tydens Sinode 2009 byeenkom vir 'n Ledevergadering.

Die Aktuaris sal die Sinode 2009 toespreek.

Die verteenwoordiger van Advantage sal die Sinode 2009 toespreek.

Besluit: Kennis geneem van 3.2.3 tot 3.2.4.18.

4. Finansiële state

Besluit: Goedgekeur.

Kyk Addendum: Finansiële State agterin Handeling.

5. Reglement GKSA Predikante Pensioenfonds

Die Trustees het die Reglement van die GKSA Predikante Pensioenfonds hersien en goedgekeur.

Die Reglement is ook deur die Raad op Finansiële Dienste goedgekeur en geregistreer is in terme van afdeling 12(4) van die Wet op Pensioenfondse, 24 van 1956.

Besluit: Kennis geneem van 5.1 tot 5.2.

6. Die **Aktuariële Waardering en Waarderingsverslag** van die Predikante Pensioenfonds vir die jaar 2006 en 2007 sal in die Aanvullende Rapport opgeneem word.

Besluit: Kennis geneem.

7. Opdragte aan die nuwe Trustees van die GKSA Predikante Pensioenfonds

Alle opdragte soos in 2006 word gekontinueer.

Aan die Trustees word opgedra om uitvoering te gee aan alle sake waarvoor die Sinode oor die Pensioenfonds besluit het.

Besluit: Goedgekeur.

Gee uitvoering aan alle sake wat kragtens die Reglement van die GKSA Predikante Pensioenfonds aan hulle opgedra word.

Besluit: Goedgekeur.

Aan die Trustees word opgedra om met Kerkrade te skakel waar predikante se PGT's onder standaard is en om PGT op pariteit te bring met die versorgingsbedrae van die emeritaatsversorgingskombinasie. Aan die Trustees word verder opgedra om die PGT van predikante wat nie aan die minimum riglyn voldoen nie, jaarliks aan die Klassisse beskikbaar te stel, sodat Klassisse kan kennis neem van die Kerkrade wat afwyk van die gestelde minimum riglyn.

Besluit: Goedgekeur.

Die Trustees moet toesien dat die standaardprosedures as opdragte wat aan die Hoofbeampte opgedra is, afgehandel word.

Besluit: Goedgekeur.

Diverse aangeleenthede soos deur die Sinode goedgekeur, asook die uitvoering daarvan, moet in bovermelde opdragte bygewerk word.

Besluit: Goedgekeur.

Die volgende sake moet pertinent aangespreek en afgehandel word:

Die Gereformeerde Kerk Pretoria-Wes wat weier dat hulle predikant by die PPF inskakel.

Besluit: Goedgekeur.

In die lig daarvan dat die huidige aktuaris, mnr Charles Erasmus, afgetree het, word aanbeveel dat die Sinode mnr Corné Heymans van ABSA Konsultante en Aktuarisse vir die Fonds aanwys.

Besluit: Goedgekeur.

Die Sinode bedank mnr Charles Erasmus hartlik vir die toegewyde wyse waarop hy betrokke was by die Trustees.

Besluit: Goedgekeur.

Die volgende broeders word weer vir die volgende termyn as Trustees benoem: brs JJ Howell (Randburg), JH van der Merwe (Ontdekkers), BD Bakker (Standerton), AJ Kruger (Kroonstad). Br BG Kukkuk word weer as adviseur benoem. Die broeders word hartlik bedank vir hulle onbaatsugtige diens in dié verband.

Besluit: Goedgekeur.

16.3 RAPPORT ONDERSTEUNINGSFONDS (Artt 63, 141)

RRRR. Ds PA Coetzee lewer die Rapport.

SSSS. Besluit: Die Rapport word verwys na Kommissie Emeritaatsversorging.

TTTT. Ds JC Aucamp rapporteer namens die Kommissie Emeritaatsversorging.

UUUU. RAPPORT

1. Sake waarvan die Sinode moet kennis neem

1.1 *Sinode-opdragte*

1.1.1 *Die Trustees van die Fonds word bemaatig om, wanneer dit nodig word, addisionele bydraes vir die Ondersteuningsfonds te hef; hierdie addisionele bydraes, soos deur die Aktuaris bereken, te bekom by wyse van 'n oproep in die kerkverband om vrywillige bydraes vir die doel in te samel, indien nodig.*

Dit was nie vir die Trustees nodig om 'n oproep in die kerkverband te doen nie.

1.1.2 *Aan die Trustees word opdrag gegee om die verdere bestuur van die Ondersteuningsfonds te reël kragtens die Reglement hiervoor.*

(a) Die bestuur van die Fonds is volgens die Reglement gereël.

(b) Ter wille van duidelikheid is die doel van die Fonds as volg geformuleer: Die doel van die FONDS is om die beroepsongeskiktheidsvoordele hierin beskryf aan LEDE te voorsien met inbegrip van die tyd waarin 'n lid nie deur sy Kerkraad geakkommodeer kan word nie of wat hy wag totdat hy weer 'n beroep van 'n ander Kerkraad ontvang.

Besluit: Kennis geneem.

2. Sake waarvoor die Sinode moet besluit

2.1 Aan die benoemde Trustees word opdrag gegee om die verdere bestuur van die Ondersteuningsfonds te reël kragtens die Reglement hiervoor.

Besluit: Goedgekeur.

2.2 Gee uitvoering aan alle sake waarvoor die Sinode besluit het.

Besluit: Goedgekeur.

2.3 'n Nuwe Reglement is opgestel en goedgekeur.

Besluit: Goedgekeur.

3. Finansiële state

Besluit: Goedgekeur.

Kyk Addendum : Finansiële State agterin Handeling.

16.4 RAPPORT DEPUTATE VIR EMERITAATSVERSORGING – MEDIESE AANGELEENTHEDE (Artt 65, 142)

VVVV. Ds EJ Tiemensma lewer die Rapport.

WWW. **Besluit:** Die Rapport word verwys na Kommissie Emeritaatsversorging.

XXXX. Ds JC Aucamp rapporteer namens die Kommissie Emeritaatsversorging.

(NOTULES VAN DIE HANDELINGE VAN DIE DEPUTATE WORD AS ONGEPUBLISEERDE BYLAES BYGEVOEG.)

YYYY. RAPPORT

1. Sake waarvan die Sinode moet kennis neem

1.1 *Sinode-opdragte*

1.1.1 *Die Sinode gee opdrag aan die Deputate om op hoogte te bly met ontwikkeling en, indien nodig, om na die eis van omstandighede te handel en aan die volgende Sinode te rapporteer.*

Die Deputate het die opdrag uitgevoer tesame met die hulp van ABSA Gesondheidsorgkonsultante wat die Deputate op 'n deurlopende basis van inligting en adviese voorsien het.

1.1.2 *Die Sinode doen 'n ernstige beroep op kerkrade om die predikante wat nog nie lede is nie in te skakel by die Mediese Skema wat deur die Deputate vir Emeritaatsversorging gereël word.*

Die opdrag is uitgevoer.

1.1.3 *Die Deputate vir Emeritaatsversorging kry opdrag om ook die Mediese Skema aangeleenthede te behartig.*

Die opdrag is uitgevoer.

1.1.4 *Gee uitvoering aan alle sake wat kragtens die aanvaarde Ordereëling vir die Mediese Skema aan hulle opgedra is.*

Sake soos in die Ordereëling opgedra, is uitgevoer. 'n Nuwe Ordereëling wat nou van toepassing sal wees, word in die Aanvullende Agenda opgeneem.

1.1.5 *Alles wat gedurende die Sinode besluit is, word verwoord en in die Ordereëling opgeneem.*

Besluit: Kennis geneem van 1.1 tot 1.1.5.

2. Sake waarvoor besluit moet word

2.1 *Die Sinode gee opdrag aan die Deputate om op hoogte te bly met ontwikkeling en, indien nodig, om na die eis van omstandighede te handel en aan die volgende Sinode te rapporteer.*

Besluit: Goedgekeur.

2.2 *Die Sinode doen 'n ernstige beroep op kerkrade om predikante (dit sluit predikante van Sinode Middellande in) wat nog nie lede is nie, in te skakel by die Mediese Skema wat deur die Deputate vir Emeritaatsversorging gereël word.*

Besluit: Goedgekeur.

2.3 *Die Deputate vir Emeritaatsversorging kry opdrag om ook die Mediese Skema-aangeleenthede te behartig.*

Besluit: Goedgekeur.

2.4 *Gee uitvoering aan alle sake wat kragtens die aanvaarde Ordereëling vir die Mediese Skema aan hulle opgedra is.*

Besluit: Goedgekeur.

2.5 *Alles wat gedurende die Sinode besluit is, word verwoord en in die Ordereëling opgeneem.*

Besluit: Goedgekeur.

3. Finansiële state

Besluit: Goedgekeur.

Kyk Addendum : Finansiële State agterin Handeling.